





68289 Uc 4152



# Bayerische Staatsbibliothek

München 2 NO, den  
Ludwigstraße 23

11. MAI 1938

An

die

Preuss. Staats

Bibliothek


in

Berlin

senden wir Ihnen am hierher geliehene

Werk n. (31 Bde.) mit bestem Dank zurück. Wir ersuchen,  
Handschrift

den ausgestellten Empfangsschein zu vernichten.  
uns zurückzustellen.



Geologische Staatsschulung

11.11.1911

Stunde 2 NO 101  
2.11.1911

2 blocka: Kc 4452

Stilleit 11

am 1.11.1911  
2.11.1911  
3.11.1911  
4.11.1911  
5.11.1911  
6.11.1911  
7.11.1911  
8.11.1911  
9.11.1911  
10.11.1911  
11.11.1911  
12.11.1911  
13.11.1911  
14.11.1911  
15.11.1911  
16.11.1911  
17.11.1911  
18.11.1911  
19.11.1911  
20.11.1911  
21.11.1911  
22.11.1911  
23.11.1911  
24.11.1911  
25.11.1911  
26.11.1911  
27.11.1911  
28.11.1911  
29.11.1911  
30.11.1911  
1.12.1911  
2.12.1911  
3.12.1911  
4.12.1911  
5.12.1911  
6.12.1911  
7.12.1911  
8.12.1911  
9.12.1911  
10.12.1911  
11.12.1911  
12.12.1911  
13.12.1911  
14.12.1911  
15.12.1911  
16.12.1911  
17.12.1911  
18.12.1911  
19.12.1911  
20.12.1911  
21.12.1911  
22.12.1911  
23.12.1911  
24.12.1911  
25.12.1911  
26.12.1911  
27.12.1911  
28.12.1911  
29.12.1911  
30.12.1911  
31.12.1911



1. <sup>16</sup> ~~Conspicuum~~ <sup>responsum</sup> De pace
2. Aphorismi Doctrinae Jesuitarum
3. Cyriacus Thrasymachus.
4. Supplementum pacis Oliv.
5. Nachsätzen des Königs
6. Offreiben des Königs an Frankreich



APHORISMI  
DOCTRINÆ JESVITARVM ET  
ALIORUM ALIQUOT PONTI-  
FICIORUM DOCTORUM, QUAE VE-  
rus Christianismus corrumpitur, pax pu-  
blica turbatur, & vincla societatis  
humanæ dissolvuntur.

SUMPTI EX PONTIFICUM,  
JESUITARUM ET ALIORUM PON-  
tificiorum scriptis, dictis & ex actis  
publicis.



16

8.

FRANCOFURTI.



**I**esuitarum & aliorum turbulentorum Pontificiorum doctrinas aliquot, quibus verus Christianismus foedissime corrumpitur, pax publica turbatur, & vincula societatis humanae dissolvuntur, in forma brevium Aphorismorum, vobis ideo exhibemus, & ex istorum scriptis, dictis, nec non ex actis publicis summas ostendimus. Quia nuper in publico conventu homines politici Romanocatholicae Religioni addicti, cum nonnulli ex his allegarentur, negarunt se tale quid à Jesuitis vel aliis Romanocatholicis D. D. dictum, scriptum, audivisse, legisse: ut nempe viri illi boni, & alii, quibus haec non fuit curae, inquirere, quam turbulenta, & absurda, defensores isti Pontificiae Religionis doceant, partem illorum ex his Aphorismis, & illorum allegatis intelligant: proindeque ab istis D. D. & doctrinis abhorreant, & eos diutius non tolerant. Rogamus itaque omnes, qui hos Aphorismos legent, propter Christi gloriam & propriam salutem, ne Spiritum S. (qui haud dubie in plurimorum legentium cordibus contestabitur doctrinas istas Verbo & voluntati Dei contrarias, & societati humanae perniciosas esse) contristent, nec in seipsis effulgens lumen, & igniculos ejusdem S. S. extinguant, sed ut nobiscum veritatem agnoscant, & amplectantur. Clementissimus Deus noster nos omnes, ipsos etiam Jesuitas, illorumque commilitones, veritatis agnitione indies magis ac magis illustret & Christianam caritatem in nobis adaugeat, ut & in hac & futura vita omnes illum sincere colamus & laudemus: illi Deo optimo Max. & fortissimo, Deo pacis & caritatis, sit omnis honor & gloria aeterna Amen.

Index capitum & Aphorismorum.

Caput primum Aphorismorum.

1. De numerosa Romani Pontificis potestate.
2. De immunitatibus & exemptionibus Ecclesiasticorum.
3. Papam non errare, etiam si totus mundus erraret.
4. Sacram scripturam non plus probare, aut valere, quam Potifici placet: hujus autem placita & decreta pro articulis fidei habenda.

Caput secundum Aphorismorum.

1. Passiones Religionis invalidas esse, etiam si juramento confirmatae sint.
2. Sic nec pax Religionis in Imperio sancita valet ubi per vim extorta, & tantum usque ad publicationem Concilii Tridentini concessa.
3. Nunc ergo & Lutheranos & illorum fautores politicos, Romanocatholicos opprimendos, delendos esse.
4. Nisi forte Pontificum majus incommodum metuant, sed id jam tentent: tunc enim secundum nonnullos, tempori serviendum est adhuc, alijs contra sentientibus, neque amplius temporisandum esse urgentibus.

Caput tertium Aphorismorum.

1. Si Caesarem, Regem, aliumve Principem subditi in conventu Tyrannum esse judicent, tunc illum opprimere possunt: si facultates conventus non dantur, tunc idem ex consilio virorum eruditorum & gravium licebit.
2. Subditi Lutheranorum Regum, sive Principum, soluti sunt omni obligatione, illosque opprimere possunt, licet nihil tale in prima Christi Ecclesia factum sit.
3. Et veneno subditis permittitur, Reges & Principes, quos pro Tyrannis habent viri eruditi & graves, necare.
4. Papa omnium haereticorum & infidelium regna, principatus & dominia Catholicis donare potest.

Caput quartum Aphorismorum.

1. Per aequi vocationes haereticos decipere permissum.
2. Imo etiam Catholicos Magistratus.
3. Multo magis Catholicos subditos.
4. Aequi vocationes istae pro bona prudentia habendae, & recte axiomate isto institui Principes:

QUI NESCIT DISSIMULARE, NESCIT IMPERARE.



# APHORISMI

## DOCTRINÆ JESUITARUM

& aliorum Pontificiorum Doctorum, qua  
verus Christianismus corrumpitur, pax  
publica turbatur, & vincla societatis  
humanæ solvuntur,

*Sunt i ex Pontificum, Jesuitarum, et aliorum  
Pontificiorum Scriptis, dictis, & ex  
actis publicis.*

## PRIMI CAPITIS

*Aphorismus I.*

**P**ontifex Romanus omnimoda  
dam habet & spiritualem & tempora  
lem potestatem, jus mandandi, pro  
hibendi, Banni seu Excommunicationis,  
jus item poenarum, Electionis &  
Vicariatus Imperij, Magistratus quosvis instituendi,  
& deponendi; ipsos etiam Imperatores, Reges,  
Principes: sic & in alios quosvis ordines illorumque  
subditos, & hæc pro articulis Fidei habenda: qui  
verò ista non probat aut non credit, is pro hæretico  
de testando habendus est. Bonifacius VIII. in  
c. unam sanctam Extravag. de major. & obedient.  
dicit,

dicit, utrumque gladium & spiritualementem & temporalem in potestate esse Papæ, & illo Reges, & milites tanquam ei subiectos ad nutum Papæ uti debere, quodque Papa habeat instituere & judicare, an spiritualis potestas terrenorum sit bona: quia scriptum est Ierem. 1. Ecce constituere hodie super gentes & regna. Papam autem a nemine judicari: quia scriptum est: spiritualis homo iudicat omnia: ipse autem a nemine iudicatur 1. Cor. 2. Et concludit ibi Bonifacius: *subesse Romano Pontifici omni humana creatura declaramus, dicimus, definimus, pronunciamus, omnino esse de necessitate salutis.* Cum Bonifac. 8. concordant & præmissa Innocent. 3. in c. solliciti 6. de major. & obed. & in c. venerabilem 34. de Elect. & Elect. pot. Innocent. 4. in c. ad Apost. 2. de sent. & re iud. in 6. Platina in vita Gregorij 7. antea dicti Hildebrandi pag. 67. ubi Gregorius ait, Agite Apostolorum Principes, & vestra autoritate, quod dixi confirmate, ut omnes nunc demum intelligant, *Nos nos imperia, regna, principatus, & quicquid habere mortales possunt, auferre & dare posse.* Bellarm. de Rom. Pontif. lib. 5. cap. 1. ubi plures allegat: & eod. lib. 5. c. 6. cum seqq. Isidorus Mosconi de Majestate milit. El. & frat. Bozjus de temp. Eccl. monar. idemque & in lib. de Jur. nat. & divin. Eccl. pot. passim. Alexander Posantius Romanus in lib. de immun. Eccl. & pot. Rom. Pontif. quem nuper Paulo V. Pontifici dedicavit pag. 45.

Sylvester Prieras in Epit. Respon. ad Luth. cap. 9. Romanus Præsul est Legum conditor, quæ ex necessitate



cessitate salutis omnes afficiunt. In lib. Jesuit. Concertatio Ecclesiæ Catholicæ Trever. anno 1583. excusa, pag. 243. & seqq. & pag. 267. dicitur, Pontificis auctoritatem esse articulum fidei: & paulò ante, pag. 246. Papam habere potestatem quemcunq; Principem de principatu dejiciendi ejusq; sententiæ, si promulgatur, subditos Principū obedire debere. Ideoq; traditur Imperatorē Pontifici in equū assidenti stapedem tenere, & accepto freno, equū per aliquot passus ducere, atq; in convivio manibus Papæ ad lotionem aquam ministrare debere. Ceremon. Ecclesiæ Rom. lib. 1. sect. 3. part. 1. fol. 43. & sect. 5. part. 4. fol. 61. Imò & solum Papam sine Concilio Imperatorem deponere posse, gl. & d. d. in c. ad Apostol. de sent. & Re. Jud. in sexto.

Pet. Ribadencira Jesuita de Principe lib. 1. cap. 17 pag. 108. impressionis Moguntinæ de anno 603. Quicumq; Sacerdotis imperio non obedierit, morietur.

Baronius Cardinalis in Parænesi ad Venetos pag. 9. Colonien editionis; Crux antecellit aquilas Cæsaris, gladius Petri gladio Constantini & Apostolica sedes præjudicat Imperatoriæ potestati.

### *Aphorismus II.*

E contra omnes Ecclesiasticæ personæ, Episcopi, Prælati, Sacerdotes, Monachi, Moniales, illorumq; temporalia bona, jura & redditus, à temporalium dominorum obedientia, mandatis, contributionibus & jurisdictionibus in personalibus, & realibus,

realibus, civilibus & criminalibus prorsus exempti, & privilegiati sunt. Nec vel Imperatori & Regibus, vel aliis Laicis Magistratibus parere tenentur: Cæsar autem Reges & Principes præcipua sua fortalicia Ecclesiasticis potius quàm Laicis personis custodienda concedere debent. c. nullus Judicum. 2. de for. compet. Ibi nullus judicum secularium Presbyterorū, Diaconorum aut Clericorum ullum sine permisso Pontificis distringere aut condemnare præsumat. Quod si fecerit, ab Ecclesia sequestratus manebit, donec reatum emendet c. si diligenter. 12. eodem tit. Et Episcopi & Diaconi & quilibet Clerici, siue in criminali siue in civili negotio, seculare judicium non possunt subire.

Nec in contrarium illorum pactum aut juramentum valet, aut servandum est, idem. in C. seculares. 2. de fo. comp. in 6. in c. Non minus 4. de immunit. Eccl. Laici prohibentur sub pœna excommunicationis, siue anathematis onera fossatæ expeditionis, seu alia quælibet bonis Ecclesiarum imponere: sed Episcoporum & Clericorum arbitrio permittendum an Laicorum facultates non suppetant, Idem in c. adversus 7. Eodem tit. Et in c. 1. & c. Cleric. 3. de immunitat. Eccl. in 6. ubi etiam Ecclesiasticis mandatur sub depositionis pœna, ut Laicis Imperatoribus Regibus, Principibus, Comitibus, Baronibus, civitatum Consulibus talias collectas, nec sub adjutorii mutui aut subsidii, vel doni nominè, licet promissas, solvant.

Innocent. in c. sollicitæ 6. de major. & obedient.

Papa



Papa à Deo constitutus est super gentes & regna, ut evellat & dissipet, ædificet & plantet: & quanta est inter Solem & Lunam differentia, tanta est inter Pontifices & Reges: etsi Episcopis reverenter assurgere debent. Et paulò ante Clemens III. in c. 4. cod. tit. de Major. & obed. Omnes Principes terræ & cæteros homines Episcopis obedire beatus Petrus præcipiebat 1. Pet. 2.

Baronius Cardinalis in Parænesi ad Venetos pag. 47. Senatum Venetum contra Sacerdotes, vel enormissime delinquentes: nullam, nullam habere Jurisdictionem: quia scriptum, Tu quis es, qui judicas alienum servum; Domino suo stat, aut cadit. Et Veneti contra facientes sunt instar monstri & portenti Luciferi. An nescitis, quia Angelos judicabimus?

Johan. Mariana Jesuita Toletanus in lib. de Rege & Regis instit. lib. 1. cap. 10. pag. 88. Princeps neminem ex S. ordine supplicio, quamvis merito, afficiat. Illius immunitates & jura intacta ut sint, curare debet: præstat enim scelera impunita relinqui, quàm hujusmodi immunitates refigi. Idem Mariana eodem cap. & lib. pag. 89. Vellem Episcopis firmissimas Principum arces in fidem tradi: & paulò ante; Respublica commodius à viris sacris, quàm à prophanis, quales sunt urbium procuratores, remedium expectabit.

Franciscus Bozius Eugub. de temp. Eccl. Monarch. lib. 2. c. 5. pag. 264. Seculares rerum temporalium judicia ad normam & imperium Ecclesiasticorum

corum exercere debent: Item, rerum etiam temporalium judiciis præficiendos magis dignos in Ecclesia: veluti sunt Sacerdotes, Episcopi: Sacerdotibus etiam regni gubernacula tradenda.

### APHORISMUS III.

Licet Papa homo sit, attamen quia Vicarius DEI est in terris, (ob quam causam illi etiam divini honores competunt) errare non potest in negotiis fidem Christianam concernentibus, etiam si omnes alii Ecclesiastici atq; adeò ipsa etiam Concilia errarent: ideoq; à Conciliis ad Papam, non è contrà à Papa ad Concilium appellari potest. Bellarm. de Rom. Pontif. lib. 4. cap. 2. ubi post alios allegatos Doctores dicit, DEUM non permittere, ut Papa quicquam temerè definiat: qui enim promisit finem, hunc etiam media promississe. Blondus lib. 3. Rom. instaur. Omnes Principes orbis terrarum Pontificem honorant & colunt ut SUMMUM DEUM.

A concilio ad Papam rectè appellari Joh. de Selua in tractat. de benefic. par. 4. p. 8. n. 28. Tractatum tom. 15. par. 1. fol. 109. non à Papa ad concilium, Jacobatius de Conciliis lib. 1. art. 1. num. 36. Tract. tom. 13. part. 1. fol. 352. & art. 16. n. 26. fol. 220. Ut nec à Papa ad Cardinales, Manfredo Cardinal. deci. 391. cum Jacobatio contra Bartolum tom. 13. part. 2. fol. 105. Mosconius de majest. milit. Eccl. lib. 1. c. 1. par. 1. pag. 27. *Si totus mundus sententiaret contra Papam in aliquo negotio, standum*  
B 7 tamen



tamen esset sententia Pape. Idem in glossa. C. Nemo  
judicabit, cau. 9. q. 3. in verb. Neq; ab omni Cle-  
ro.

### APHORISMUS IV.

In Romani Pontificis arbitrio stat Sacre Scri-  
pturæ autoritas, interpretatio & mutandi jus: ec-  
tra Pontificis placita, tanquam ad fidem & salus-  
tem præcise necessaria semper firma, valida & ob-  
ligatoria sunt; Bulla Pij IV. super forma Jura-  
menti profes. fidei. infi. Concil. Trid. pag. 359.  
editionis Venetæ de anno 1606. *Sacram Scripturam  
juxta eum sensum, quem tenuit & tenet sancta Mater Eccle-  
sia admitto. & in sels. 21. Can. 1. Pag. 171. Etsi Christus  
Dominus in ultima cæna venerabile hoc Sacramentum in pa-  
nis & vini speciebus instituit, & Apostolis tradidit: non ta-  
men illa institutio & traditio eo tendunt, ut omnes Christi fi-  
deles statuto Domini ad utramq; speciem adstringantur: &  
cap 22. Act. 23. pag. 172. & 173. Est enim hæc Ecclesia  
potestas & autoritas, quod in Sacramentis statuere & muta-  
re possit, quæ magis expedire judicat. & pag. 174. Canon.  
2. & 3. Si quis dixerit ex Dei præcepto, O m n e s & singulos  
Christi fideles utramq; speciem Eucharistia sumere debere, A-  
nathema sit: & si quis in eo errasse Rom. Ecclesiam dicat,  
Anathema sit. Hosius de expresso Dei Verbo sub fi-  
nem, sacra Scripturæ nisi juxta sensum Ecclesiæ Rom. expona-  
tur nõ esse Dei expressum, sed expressu verbu Diaboli, SATANA  
verba esse per membra sua loquentis. Sylvester Prye-  
ras in Epitome Respon. ad Luth. cap 7. tom. 1. o-  
perum Luth. fol. 69. edit. Ienen. anno 1556. Doctri-  
nam Pontificia Ecclesiæ & Pontificis Romani esse Regulam  
fidei*

*fidei infallibilem, à quo Pontifice etiam robur trahit, aut traxit  
sacra Scriptura; & qui hoc non credit hæreticus est.*

De traditionum autoritate in Concil. Triden.  
Sels. 4. pag. 11. & 12. Perrus à Soto in defens. de u-  
no Presbytero judice Eccl. cap. 33. Costerus in  
Apologia pro par. 2. Enchir. contra Gomarum  
pag. 37.

### CAPVT SECVNDVM APHORISMUS I.

PRO invalidis & planè nullis haberi debent Im-  
peratorum, Regum, Principum, aliorumq; ordi-  
num constitutiones, pacta, conventa, capitulatio-  
nes, fraternitates, concessiones, quibus alia Reli-  
gio quàm moderna Romana Catholica indulge-  
tur: etiam si juramenta intervenerint. Jacob Si-  
marcha Episcop. Pacent. de Cathol. Instit. In tra-  
ctat. tom. II. par. 2. pag. 181. c. 46. Ubi post. num. 25.  
dixit, se Lutheranorum nomine etiam Sacramen-  
tarios intelligere: post alia. num. 52. docet, ad hæ-  
reticorum istorum (Lutheranorum) pœnam & o-  
dium etiam pertinere, QUOD FIDES ILLIS data  
servanda non sit: (ut in concilio Constantiensi fas-  
ctum) non obstante juramento. Item cum hære-  
ticis nullum commercium, nec pacem ullam esse  
posse: ideoq; fidem illis datam, etiam jur. mento si matæ,  
nullo, nullo modo servandam esse. Sæpe addit id a no-  
bis dictum: necesse est tamen incessabiliter iterari,  
& tam diu non taceri, quàm diu pacis illud nomen  
obtenditur.



Cunradus Brunus de hæreticis lib. 3. cap. 11 ponit quæstionem de tali pace Religionis, qualis est in Imperio ex conventionibus anni 1552. & 1555. an rata sint & valeant pacta, conventiones, leges, & rescripta, quibus hæretici pacem & securitatem impetrant, ut qui eos offenderit, fractæ pacis teneatur? Item, quibus permittatur, ut Ecclesias, Episcopos, Sacerdotes & Clericos habeant, Ecclesias reformare, Ecclesiarum bona possidere, administrare & dispensare possint: utq; Ecclesiastica Jurisdictio contra ipsos suspendatur? Et respondet, **NON VALERE, CUM HÆRETICIS CATHOLICO NULLAM PACEM ESSE POSSE**, & esse conditionē iniquam & blasphemiam qua hæreticis permittitur, ut dogmata sua doceant. Et in fin. ejusdem cap. **HODIE NULLA PAX RATA ESSE POTEST**, quæ cum hæreticis ea lege contrahitur, ut offendi non possint: **HORRENDAM ET ABOMINANDAM ESSE PACEM** ea conditione initam: ut qui eos offenderint fractæ pacis condemnentur: e contra omnia divina & humana iura illos extinctos velle.

Petrus Ribadeneira Jesuita de Principe lib. 7. postquam cap. 16. pag. 104. editionis Moguntinæ de an. 1603. Protestantes Principes, injuriose Rebelles, & summè **IMPIOS** appellavit, (ut & fortius illius Iacobus Sylvanus, aliàs Jacobus Keller Jesuita Ratisbonen. in nuper edita Philippica; eosdem Principes **PERDUELLIUM** appellatione diffamare non erubuit) subjicit cap. 17. &

18. Pa-

18. Pacem hanc religionis, quam politici nostri invexerant, quamq; Germani Lutheranae factionis assecræ sunt amplexari, & in Belgio nonnulli sibi concedi postulant, non indulgendam neq; ferendam.

Andreas Erstenberger, sive Franciscus Burchardus in Autonomia laudatà a Jesuita Ribadeneira, part 3 C. 13. pag. 306. Martinus Becanus Jesuita Moguntinus in disp. de fide hæreticis servanda nuper anno 1607. Moguntia impressa cap. 10 p. 88. & seqq. libertatem sive pactiōem illam Religionis, qua liberè permittitur esse Catholicum, vel Lutheranum, vel Calvinistam, **OMNINO ESSE ILLICITAM, ET DIVINO PRÆCEPTO REPUGNANTEM**; nec aliter quàm **ALIQUO TEMPORE** majoris damni vitandi causa tolerari posse. Imò hæc libertas potius (ait pag. 94.) à Catholicis **OMNIBUS MODIS**, quantum commodè fieri potest, **IMPEDIRI ET PROFLIGARI DEBET**. Nullus sit istis ministeriorum locus: sciant omnes etiam si quid speciali rescripto, vel pacto ab hujusmodi hominum genere impetratum sit, **NON VALERE**. Sic Julianus Cardinalis Sanct. Angeli Ladislao Regi Hungariæ & Poloniæ post pacis conventionem cum Amurathe initam, & juramento ad hostiam Sacramentalem firmatam, persuasit fidei datæ violationem: inania (inquit Julianus) fidei ac fœderis nomina & verba quædam inconsulta per spem, metumq; mutuo jactata esse, quæ fœderis

B 3

nomen



nomen sanctitatemq; non obtineant iuramentum interpositum ceremoniam tantum temerè jactatum fuisse. Eorundem Principum aliorum consensu bellum intermitteri oportuisse, quorum ope auspicisq; geri susceptum oportuit: et nedum fœdus cum hujusmodi hominum genere inire licuisse, sed & initum non tenere iniussu Pontificis Maximi. Ac postquam de potestate Pontificis multa præmisisset, subjecit tandem Pontificis Maximi autoritate se id fœdus, qualecunq; esset, rescindere & abrogare, Regemq; & cœteros, quorum intererat à juramēto & sponsione, quàm Turcis fecerāt, absolvere. Philippus Callimachus Florentinus (qui Romanocatholicæ religionis fuit) historiarum de reb. gestis Ladislai Regis Hungariæ lib. 3. Et Æneas Sylvius, qui idem post Papa Pius II. epist. 81. de principe lib. 2. cap. 17. & hanc perfidiam improbat, & causam maximæ cladis fuisse fatetur: suppressit tamen, quod Cardinalis Julianus autor illius perfidiæ & perjurii fuerit. Alter verò Jesuita Martinus Becanus in disp. de fide hæret. servanda c. 7. pag. 66. falso allegat, à nonnullis Principibus Christianis Ladislaum ad violandam fidem & bellum redintegrandum sollicitatum fuisse. At non tantum illis, quos hæreticos fingit Pontifex Rom. fidem non servat, sed & domesticis fidei suæ. Nec longè exempla petantur: extant inter acta & recessus Imperii duo Maximiliani I. programmata, quibus conqueritur Julium II. Rom. Pontificem cum ipso Imperatore, nec non Regibus Galliarum & Ar

& Arragoniæ de conjungendis armis contra Venetos pactos fuisse, & ne cuiquam cum Venetis absq; communi consensu pacem inire liceret, donec sua prorsus recepissent, sed Pontificem fidem violasse, cum Venetis ad partem transegisse & hanc violationem insignem **PERFIDIAM & DOLUM** vocat. Rectè itaq; Senator Venetus Dominicus Trevisanus cum. Leo X. à pactione Cameracensi resiliret, & Venetis pactionem offerre in Senatum dixit, (ut est apud Guicciardin. lib. 8. hist. Ital. pag. 264) si in hoc Pontifice Sacerdotalis fides non constantior quàm ferè semper in aliis fuerat, existeret, se minimè cernere, quæ cautio haberi possit, Pontificem Armino & Faventia adeptis, non & Cerviam & Ravennam repetiturum esse, **NI DATÆ FIDEI MAIOREM RATIONEM HABERET, QUAM PONTIFICUM MOS ESSET**, qui ut hunc morem suum tueantur, legibus sanxerunt, Ecclesiam suorum Antistitum promissis & contractibus contravenire posse.

Anno 1527. edita est Moguntia cum privilegio Cæs. pactio Caroli V. Imp. cum Clemente VII. contra Franciscum Regem Gallia inita, cum responso sive querela eiusdem Imper. quod Clemens fidem non servasset, sed ejus violationem prætextu ad pietatem composito, tegere conatus fuisset. Ideoq; Carolus Imper. dixisse **VOCES ESSE JACOBI, MANUS AUTEM ESAU**, & addidisse. **TOTIES SIBI VIOLATAM FIDEM RUPTAQ; FOEDERA.**

Ite m.



Item: CONTRA JUS ET ÆQUITATEM  
DATAM FIDEM PRÆSTITUMQ; JU-  
RAMENTUM VIOLATUM ESSE, CUM  
HUIUSMODI HOMINIBUS DEINDE  
TUTO CONTRAHI NON POSSE.

### APHORISMUS II.

Pacem religionis inter Ordines Germanici  
Imperii conventam uti per vim extortam, non es-  
se obligatoriam, imò & ad tempus tantum conces-  
sam, dilationem moratoriam & tolerantiam fuisse,  
nempe usq; ad Concilii Tridentini publicatio-  
nem, quæ anno 1604 secuta est. Johannes Pau-  
lus VVindeck in deliberat: de hæresibus extirpan-  
dis, impressa Colon. cum gratia & privilegio Cæs.  
Majestatis. Anno 1603. in Responsi. ad quartam ob-  
jectionem pag. 324. *Quod hac pacis formula Cæsar Protec-*  
*stantibus prævit summa necessitate adactus fecit. Nam irru-*  
*ente tum in Austriam Turca, necesse erat omnes undecunq;*  
*vires contrahere.* Ibidem VVindeck, constat ex eo  
Edicto, Cæsarem pacem Protestantibus TANTUM AD-  
USQ; CONCILII TEMPUS, quo dissidium hoc sanari  
posset, concessisse. Idem pag. 326. ubi, subjicit PRO-  
TESTANTIBVS TANTVM MORA-  
TORIAM DILATIONEM ET TOLE-  
RANTIAM CONCESSISSE VSQ; AD  
JUDICIUM CONCILII TRIDENTINI.  
Quamobrem mirari animum subit vecordiam Se-  
ctariorum, qui pro religione tuenda toties comi-  
sionum Decreta contra nos stultissimè detonare.

&

& deblaterare solent. Idem VVindeck pag. 414.  
*Quod nonnunquam Catholici cum Sectariis transegerunt, eo*  
*sine fecerunt, ut interea reliquis negotiis expediti postea unum*  
*hoc bellum contra Sectarios administrarent omnemq; ejus mo-*  
*lem in ipsos converterent.* Andreas Erstenberger a-  
lias Franciscus Burchardus de Autonomia lib. 3.  
cap. 13. pag. 305. & seqq. *Auffwecker der Geislichen/*  
cap. 3. fol. 66. & 70.

### APHORISMUS III.

Nunc itaq; ad laborandum Pontificiis ubiq;  
ut omnes hæreticos imprimis Lutheranos & Cal-  
vinianos illorūq; fautores politicos illos Catholi-  
cos, qui potius pacem servare, quam auxilia ad hæ-  
reticorum oppressionem conferre malunt: ferro,  
veneno, pulvere tormentario, bellis & aliis machi-  
nationibus opprimant. Ribadeneira de Princi-  
pe lib. 1. cap. 18. p. 117. & c. 26. p. 172. & seqq. Paulus  
Chirlandus de hæreticis. q. 3. num. 2. Symmach. in-  
stit. Cathol. c. 46. n. 45. & seqq.

Actio Henrici Garneti Jesuitæ per totum, Jes-  
uita Cresuel. sub nomine Andreæ Philopatris cō-  
tra Edictum Regine Angliæ Sect. 2. num. 157. ubi  
tradit, Principem qui à Catholica religione de-  
flexit, excidere statim omni potestate, argumento  
ejus, quod Paulus 1. Cor. 7. dicit; si infidelis disce-  
dit, discedat, in hujusmodi enim casu non ligatur  
frater aut soror. Idem paulò post n. 160. omnium  
Catholicorum sententiam esse, obligatos esse sub-  
ditos ad Principes hæreticos depellendos, qui fi-  
dei

C



dei Catholicæ injuriosi sunt, si modò vires ad hoc habeant idoneas. Et ibidem n. 162. subditi hujusmodi Principes suos non tantum legitime possunt deturbare, sed etiam ad hoc præcepto divino & conscientie vinculo arctissimo ac extremo animarum suarum periculo tenentur.

Cardinalis Reginaldus Polus in Orat. ad Carol. V. Imperat. relicto bello Turcico, contra hæreticos bellum movendum. His enim compositis (ait) minori negotio reliqua aggredi ac perficere poteris. A Turca minus periculi imminet.

Conradus Brunus de hæret. lib. 3. cap. ult.

Johan. Paulus V Vindeck de extirpat. hæret. Antidoto 10. pag. 404. & Antid. 11. pag. 408. Lutheranos, morbis, supplicio exterminandos, interficiendos, propulsandos, reprimendos, delendos, uestionibus & sectionibus excindendos, tollendos, explodendos, viriliter extirpandos, trucidandos, internecione delendos.

Bulla Papalis, quam vocant Cœna Domini, quæ invenitur apud Mart. Navarr. A. pilost. tom. 3. pag. 269. & sumta est ex c. Excommunicamus 15. de hæret. Excommunicamus & anathematizamus ex parte Dei & nostra, quoscunq; Lutheranos, ipsorumq; Receptatores aut fautores, & generaliter quoslibet illorum defensores.

Jesuita Cresuel. in prædicto responso pag. 109. Si Imperator vel Rex hæreticum favore prosequatur ipso facto, regnum amittit.

Stapletonus in Orat. contra politicos Duaci habita,

habita, quæ primum in inferiori Germania typis evulgata B. 10. & seq. ubi tales politicos hæreticis & Turcis deteriores esse dicit, quia armis & bellis Catholicismum propagare recusant. Et cap. ult. eos ut novos Diagoras & Protagoras, ex omnibus civitatibus pelli debere, ut veteres illos expulerunt Athenienses, proposita etiam mercede ei qui illos interficeret; in editione Bavarica, quæ nuper Monachio prodit hæc inveniuntur pag. 15. & 24.

Baronius Cardinalis in epistola contra Venetos, duplex est (ait) beate Pater, ministerium Petri: *Pascere & occidere*: juxta illud: pascere oves meas: & juxta illud: *occide & manduca*. Quando enim Pontifici negotium est cum refractariis & adversantibus (quales sunt Veneti) tum jubetur Petrus eos mactare & occidere, atq; in viscera sua condere. Idem Baronius in sua Parænesi ad Venetos pag. 9. Restat Pater (Papa) ut exeratis in maleficos gladium Petri, quem ad hoc constituit super regna & gentes Christus. Josephus Steffanus Valentinus D. Theologus in lib. de osculatione pedum Romani Pontificis ad Gregorium III. edito Colon. anno 1580. cap. 4. pag. 33. oportet, ait Paulus 1. Cor. 15. Christum regnare donec ponat inimicos sub pedibus ejus: cum hic locus Pauli Ecclesie potestatem exprimat, merito reluctantes & contumaces hostes pedibus trahet, comminuet, proteret, atq; sub sua potestate subditas nationes coercebit, donec veneraturi, pro ejus dominatione & dignitate manus protendant, & vestigiis oscula faciant. Quos omnes sua autoritate



ritate confringit & conterit Ecclesia, vel glutens in sua membra convertit: quia primo prædicatori dictum est, *occide & manduca*: Tunc mactat Petrus, cum impiorum reprimat conatus, gladii pœna trās verberat, & colla furore turgentia pedibus contundit & comprimit. Johan Paulus VVindeck in delib. de hæc. extirpandis pag. 412. & seqq. ad sectarios profligandos Catholicorum Principum, ligæ & confociatio requiritur, ut & Jesuita Cresuel ibidem dicit, ligam esse necessariam, & ex obligatione. VVindeck ante pag. 244. foedus sive unionem in Gallia unitam, & anno 1587. publicatam, quam sacram ligam vocant, salutare consilium fuisse ait. 2. Deinde pergit VVindeck: nec negligenda est occasio, quando videlicet Protestantes pecuniis exhausti sunt. 3. Utq; facilius Catholici Sectarios opprimere possint, variis adductis causis & artibus alios ab aliis ut divellant, occasiones captandæ: idq; à Carolo V. Imperatore observatum, magno suo emolumento 4. Sed externa auxilia Catholici sibi adjungāt ad subjugandos Sectarios: contra ne hi exterorum suppetias sibi adsciscant, cavebunt.

Exeadem hac Jesuitarum doctrina & pectoris Pontificii scrinio manavit proditoria illa, & immanis laniena Parisiensis contra pacificationem fide Regis firmatam, in qua supra triginta millia innocentium hominum, omnis ordinis, sexus, ætatis, intra paucos dies in domiciliis suis, vel ab ipsè extracti, foedissimè trucidati sunt. Quo spectaculo

tum temporis Jesuitæ oculos & animos suos recrearunt: idq; Papa Romanus in suo palatio, ut & suos & Cardinalium oculos pasceret, depingendum curavit; Jacobus Augustus Thuanus præses Regius, historiarum sui temporis in historia anni 1572.

Hinc etiam manarunt conspiratio Guisiano- rum & sociorum anno 1587. in Gallia publicata, & quæ eam secuta sunt bella & regna ac Principū parricidia. Ac à Jesuitis tunc temporis magno Zelo repetitus hæreticus error Johannis Parvi Parisiensis damnatus jam dudum in Constantiensi Cōcilio, de necandis & loco movendis Regibus & Principibus, quos Theologi viri scil. eruditi & graves pro Tyrannis habeant, de quibus extant 6. tomi memorabilium Ligæ. Ideoq; Johannes Mariana Jesuita Toletanus de Rege lib. 7. cap. 6. id decretum Constantiense non probat, quia non inveniat probatum à Martino V. aut Eugenio Pontificibus, & quia tricipiti Pontificum dissidio concilium illud celebratum sit. Hinc etiam fluxit consilium illud & conatus invadendi, & sub jugum Pontificis ac Hispani mittendi Regnum Angliæ, ad quem perficiendum classis Hispanica an. 1588. jam ferè ad littora, & portus Anglicanos pervenerat. Quo eventu, notum est, quod ex 158. navibus optimè instructis vix 40. in Hispaniā redierunt. Et fatetur Jesuita Cresuel, ad edictū Reginæ Angliæ pag. 130. Dei voluntate adversū illū belli successū evenisse, causas etiā fuisse illius cladis aeris inclementiam, incognitionem maris, inexperientiam.



fortassis etiam non nullorum hominum negligentiam vel inscientiam & forte Deum voluisse arborem Angliæ infructuosam adhuc dimittere ad tertium annum Evangelicum, ut videat, num ad frugem meliorem reduci possit, antequam succidatur. Et quia ab illo tempore usq; ad secundum Regis moderni annum Jesuitæ in Anglia optatos fructus colligere non potuerunt; sed ejusdem Dei Opt. Max. voluntate prohibiti sunt, conspirarunt tandem tres Jesuitæ, Henricus Garnetus Provincialis, Olwaldus Tesmonet, & Johannes Gerard. cum aliquot nobilibus suæ factionis hominibus, ad perdendum & displodendum uno momento ipsum Regem & omnes Regni ordines in comitiis Londinensibus supposita & incensa pulveris tormentarii copia, ut apparet ex Actis publicis Henrici Garneti nuper Londini editis, & ex ipsiusmet Regis Britannorum Edicto, promulgato 15 Ianuarii anno 1606. In quibus expressum, tres istos Jesuitas autores & inventores illius proditorie machinationis: item præcipuos practicantes sive machinatores fuisse.

Præmonuerunt etiam jamdudum Jesuitæ & publice contestati sunt, se ob hujusmodi detectas punitiones à proposito suo non desituros: *Velim sciatis* (aiunt Jesuita Campianus & ejus socii in concertatione Ecclesiæ Cathol: anno 1583. Treveris excusa, pag. 22.) *quod ad societatem nostram attinet, omnes nos, qui per totum orbem longè lateq; diffusi sumus, quorum est continua successio & magnus numerus, sanctum fœdus inesse, nec quamdiu vel unus nostrum supererit studiū* & con-

*& consilia nostra de salute vestra: hoc est, & religionis & regni vestri eversione, intermissuros.* Iam pridem inita ratio est, & inchoatum certamen, nulla, vis, nullus Anglorum impetus superabit. Hinc etiam bella illa Belgica, Suecica, Polonica. Hinc nuper motus in Hungaria jam recrudescentes. Quibus omnibus, quid turbulenti Jesuitæ & ipsorum socii hactenus profecerint, manifestum est. Nempe plus Jesuitica illa consilia Romanæ Religionis & illi addictis Regibus & subditis nocuisse, quam profuisse.

#### APHORISMUS IV.

Extra quam si Pontificii metuerint, ne conatus ipsorum irritus futurus & Romano Catholice Religionis detrimentum aliquod oborturum esset. Hoc enim casu ad tempus aliquod indulgendum, & commodior oportunitas expectanda. Nonnulli tamen docent: nimis tributum tempori, nunc itaq; omnes Lutheranos & Calvinianos passim exterminandos, ne ullum ejusmodi semen renascatur. Memor. Ligæ tom. 6 pag. 262. & seq. Los Jesuites anopent un bref. de la sanctote, qui les dispenseit d'obeir an temps. Item: qu'il falloit dissimuler & obeir an Rog. Pour un temps par femlese. Hoc est, Jesuitæ habebant breve Apostolicum, in quo per dispensationem ipsis permittebatur, ut servirent temporis. Item, dissimulandum & Regi obediendum ad tempus per dissimulationem.

Petrus Ribadeneira de Principe lib. 1. c. 26. pag.



178. Christiana prudentia docet, dissimulatione, utendum, si magna pericula timentur. Martinus Becanus Iesuita Mogunt. de fide hæret. servanda, cap. 10 pag. 89. Si Lutherana Religio commodè impediri & profligari non potest, nisi cum majori damno reipublicæ: tunc aliquo tempore tolerari poterit. Et pag. 102. Magistratus Catholicus omnibus modis impedire debet libertatem Religionis Lutheranae. Si tamen id facere non potest sine gravi incommodo boni publici, potest eam tolerare ad evitandum majus malum. Iohannes Paulus VVindeck in delib. de hæres. pag. 333. Nihil, Nihil in religionis negotiis oportet connivere aut indulgere nisi ubi libertas publicæ autoritate & validis viribus nititur.

Andreas Philopater alias Cresvel Iesuita ad Edict. Regis Angliæ pag. 151. Si vires Catholici ad hoc habent idoneas. Sic Henricus Garnetus Iesuita Provincialis Angliæ scripto testatus, & coram tribunali confessus est, Pium V. & Gregorium XIII. monitos, quod ipsorum Bullæ contra Regiam Elisabetham magnas calamitates Pontificiis conflarent, eosdem hac indulta venia demulserunt, licere omnibus Catholicis, *Externam obedientiam præferre ad vexationem redimendam*, his tamen cautelis & cancellis circumscriptam primo, rebus sic stantibus: secundo donec publica Bullæ executio fieri posset, in Actis Garneti pag. 68. Cresvel Iesuita in eodem lib. de quo supra pag. 8. Satis jam cessatum est ab innocentum defensione ad placandum hostem

hostem, si fieri potuisset, satis datum tempori, satis tributum spei, quid ni obistamus tam sceleratæ Tyrannidi.

Petrus Ribadeneira de Principe lib. 1. cap. 15. pag. 90. & seqq. ubi politicam prudentiam illam Reginae Scotiæ & Regum Galliæ ac Consiliariorū graviter accusat, qui putarunt *serviendum tempori*, utiliusq; esse conniventia quadam ac lenitate servare, quàm severa animadversione totum regnum evertere. Et pag. 94. addit, nullum Regem, nullum Principem esse cui hæc politiæ ratio potior visa est, qui non stultitiæ & temeritatis gravissimas dederit poenas.

Sic Iesuita Ratisbonensis in publica concione, nuper prima Dominica post adventum Commissarii Cæs. Majestatis habita, classicum hoc modo cecinit: Nunc tempus esse, hæreticorum istorum (quos prius expresserat) oppressionem & deletionem maturare. Catholicis jam nec nervum, pecuniam, nec militem nec consilia deesse.

Sic & in commonefactione ab Episcopis quibusdam anno 1603. Ratisbonæ exhibita Matthiæ Archiduci Austriæ; *Non amplius temporis andum*, sed vitam, sanguinem, & omnes fortunas ad hoc exponendas, ut cogantur Imperii ordines in ipsorum territoriis sita Monasteria Abbatibus & Monachis restituere. Et in hunc finem Catholicorum majorem conjunctionem omnino necessariam esse, extrema omnia tentanda, animos non despondendos: cum & parvæ Catholicorum manus (ait

D

VVin-



Vindeck in delib. de hæret. extirpand. Antido-  
to 10. pag. 410.) sæpè ingentes hæreticorum co-  
pias trucidaverint & ad internecionem deleve-  
rint. Ex eodem scrinio pectoris nuper sub dato  
22. Octobris anno 1607. prodiit epistola sive Ex-  
hortatio Episcopalis, ad aliquot Pontificiæ reli-  
gionis Prælatos, quæ sic habet: Maximopere do-  
lendum est, quod inter politicos nostros reperian-  
tur, qui Cæs. Majestati, Electoribus & Principi-  
bus persuadere conantur, ob horum temporum  
difficultatem aliquid connivendum & temporis-  
andum esse, id enim dum à Politicis istis fit, Prote-  
stantes commoda sua in Romanæ Religionis detri-  
mentum promouent.

## CAPVT TERTIVM.

### APHORISMVS I.

Quando subditi Romano Catholici Imperato-  
rem, Regem, sive Principem tuum pro Tyrannus  
habendum in Conciliis suis statuerunt, tunc il-  
lum abdicare & seiplos omni obligationis nexu  
solvere possunt: si verò comitia haberi prohibean-  
tur, tum cuius subdito, modo Jesuitarum aut alio-  
rum huiusmodi Theologorum usus sit consilio,  
permisum, imò laude dignum & meritorium erit  
huiusmodi Regem vel Principem occidere: proin-  
deq; rectè fecisse Monachum Jacobum Clemen-  
tem, quod Henricum III. Regem Galliarum cultro ve-  
nenato

nenato interfecit, rectè etiam facturum, qui & il-  
lius successorem Henricum IV. interimat.

Johan Mariana Jesuita Toletanus de Rege  
lib. 1. cap. 6. in Mogunt. Edit. pag. 57. à populis si-  
ve subditis volentibus Regem Principatu spoliari  
posse, & ab omni memoria in magna laude fuisse,  
quicumq; Tyrannos opprimere aggressi sunt: &  
ostendit rationem abdicandi ejusmodi Principem:  
Expedita & maximè tuta via est, inquit, si publici  
conventus facultas detur, ut communi consensu  
statuatur, quid fixum ratumq; esse debeat. Et si mo-  
nitis Princeps non obediat, consilia explicanda,  
arma expediunda, pecuniæ in belli sumtus subdis-  
tis imperandæ, Princeps etiam privata autoritate  
ferro perimendus. Et pag. 60. Si publici conven-  
tus facultas sublata erit, tum etiam qui votis pu-  
blicis favens, Regem sive Principem perimere ten-  
taverit, haud quaquam iniquè fecisse existimabi-  
tur: ac nisi publica vox populi adsit, quæ Regem  
pro Tyranno habeat, adhibendos esse in consiliū  
viros eruditos & graves, (pag. 53. cognita à Theo-  
logis, quos erat sciscitatus; & prius in Jesuitæ Ste-  
phani Hoyedæ Visitatoris facultate interimendi,  
viros doctos & graves, ex eodem nostro ordine.)  
(subjicit Mariana præclare præclare cum rebus hu-  
manis ageretur, si multi homines forti pectore in-  
venirentur pro libertate patriæ, vitæ contemptores  
& salutaris, & dolet quod plerosq; incolumitatis cu-  
piditas retineat, magnis sæpè conatibus adversa.

Totus Jesuitarum liber de Henrici III. abdic-  
tione,



tione, editus, durante Jesuitarum rebellionē anno  
 1571. Lugduni apud Johannem Pillechotte S. unio-  
 nis Gallicanæ Bibliopolam ex præcepto superio-  
 rum, in cuius Præfatione additur: Prorsus ut cum  
 hæc communis alterius Heinrichi pariter impli Ty-  
 ranni causa sit, propterea fiat, ut cum de priore ius-  
 tæ abdicato dixerimus, de hoc quoq; excludendo,  
 imò conterendo ac prodendo dixisse videri cupia-  
 mus; Apologia Castelli Jesuitici discipuli, per to-  
 tam & maxime in secunda parte. Tales etiam  
 libri à Jesuita Guignardo scripti Lutetiæ in Colle-  
 gio Jesuitarum, post tentatum à Castello parrici-  
 dium Heinrichi IV. Regis Galliæ inventi sunt, ut ex  
 Actis Parlamenti Parisiensis refertur in Memor.  
 Ligæ tom. 6. p. 256. & seqq. & Jesuita Cresvel as-  
 alias Philopater, adversus edicta Reginæ pag. 145.  
 Potestatem Regiam esse Juris civilis: Ergo in arbi-  
 trio populi esse, Rex quis sit an non. Defensio  
 Jesuitarum in tom. 6. Memor. Ligæ pag. 281. ubi  
 (ut & à Mariana de Rege p. 59) allegatur ad hoc  
 exemplum And. Jud. 3. Adduntur & Pontificii  
 Doctores, Cajetanus, Dominicus Soto, Thom. A-  
 quin. Sylves. Fanus Cardinalis Peluæi consilium  
 interceptum à Vivonæo Marchione Pisano Regis  
 Galliæ Legato in Hispania. Monendos Gui-  
 sian. partium Sacerdotes, ut dum peccata confiten-  
 tes & ad se accedentes consultores audirent, mo-  
 nerent illos, favendum Lotharingis & Guisianis  
 à Carolo Magno oriundis, à quibus sperandam  
 Romanæ religionis labascentis restorationem.

Henr

Henricum II. regno dejiciendum, in vindic. sec.  
 lib. pag. 13.

## APHORISMUS II.

Sic si subditi Lutheranum sive Calvinianum  
 habeant Regem aut Principem, qui ipsos in hære-  
 sin inducere conetur, (ut in Anglia) tunc illi sub-  
 diti ab omni homagio & obligatione soluti sunt,  
 ipsisq; liberum ac permissum est hujusmodi Re-  
 gem vel Principem abdicare, exterminare & oppri-  
 mere.

Sic dictus Henricus Garnetus, Osvaldus  
 Telsmont, Johan. Gerard. Jesuitæ cum aliis com-  
 plicibus nuper anno 1605. in Anglia, Regem & or-  
 dines regni in comitiis pulvere tormentario dis-  
 splodere & perdere cōspirarunt, ut ex Actis Hein-  
 richi Garneti Londini à Regio Typographo editis,  
 apparet; ut & pag. 66. dicitur hanc prodicionem  
 Jesuiticam proprie appellari, uti ad Jesuitas ex  
 congruo & condigno spectantem. Hi enim Archi-  
 tecti & Machinatores extiterunt: & in hujusmo-  
 di criminibus plus peccare autorem, quam acto-  
 rem, idq; confirmatur edicto Regis Britannia pu-  
 blicato 15. Januarii anno tertio Regis moderni.

Bellarminus de Rom. Pontif. lib. 5. cap. 7. pag.  
 1073. & Paulus VVindeck in delib. de Hæres. ex-  
 tirpand. Antidoto 10. pag. 407. alias rationes ha-  
 bet: Tunc, ait, multi fideles cum gentibus conver-  
 sabantur, quibus Ecclesiæ mansuetudinem com-  
 mendari expediebat. Ideoq; Christiani infestissi-

D 3

mis



mis hostibus parcebant. Altera hujus mansuetudinis causa, quod metuebant Christiani Episcopi, ne morte hæreticorum patientia Catholicorum obscuraretur. Conradus Brunus de Hæret. lib. 3. Cult. num. 13. pag. 309. Non obstat, quod Christus non coegit discipulos recedentes ut redirent: nam Ecclesia in novello germine pullulante, neq; Christus, neq; Apostoli omni potestate uti volebant; quia nondum completa fuerat Prophetia; & adorabunt cum omnes Reges terræ: omnes gentes servient ei, Psal. 71. Jam impleta est illa prophetia; merito igitur Ecclesia jam plenissime utitur potestate; ut etiam hæreticos redire nolentes & invitos cogat, juxta illud Lucæ 14. compelle intrare.

### APHORISMUS III.

Sed & veneno Imperatores, Reges, Principes à subditis vel ministris suis necari posse, si modò Theologi Jesuitæ, viri eruditi & graves illos pro Tyrannis habeant; ita tamen, ut is, quo qui perimendus est, nihil adjuvet, nec sibi ipsi mortem consciscat. Johan. Mariana Jesuita Tolet. de Rege, lib. 1. cap. 7. pag. 65. & 67. Quid interest ferro an veneno perimas: veneno, quod sit minori periculo, & majori spe immunitatis sit: hoc tamen temperamento me auctore veneno uti licebit, si nō ipse qui perimitur venenum haurire cogitur, quo concepto, pereat; sed exterius ab alio adhibeatur, nihil adjuvante eo qui perimendus est. Nimirum cum

cum veneni tanta vis est, ut sella eo, aut veste delibuta, vim interficiendi habeat. Et infine ejusdem capit. pag. 68. concludit, in ejus vitam gratsari quacunq; arte concessum, ne cogatur tantum sciens aut imprudens sibi mortem consciscere. Et ex hac Marianæ doctrina fluxit quod Jesuita Richardus VValpor. socius Marianæ ante annos 12. Anglum Eduardum Squirre veneno instruxit, quod Regina Angliæ & esse non edendum aut bibendum præberet, sed quo sellam tantum inungeret, ut ex ejus contactu uterq; moreretur. Memor. Ligæ tom. 4. pag. 15 & seqq.

### APHORISMUS IV.

Papa omnium hæreticorum & infidelium regna, principatus & territoria Catholicis donare potest: & hujusmodi donationes firmæ & validæ sunt.

Franciscus Bozius Eug. de temp. Ecclesiast. Monarchiæ lib. 1. c. 3. & cap. 11. Papa est, per quem Reges regnant; juxta illud: Per me Reges regnant. In c. sollicite 6. de majorit. & obedient. Papa omnia potest facere, quæ DEUS potest lib. 1. Cerem. Rom. Cur. Sect. 7. pag. 85. Papæ data est omnis potestas in cælo & in terra: dominatur à mari usq; ad mare, à flumine usq; ad terminos orbis. Platina in vita Gregorii VII. Ut omnes nunc demum intelligant (ait Gregorius) Nos, Nos impe-



*imperia principatus, & quicquid habere possunt mortales auferre & dare possent.*

Sic Julius II. Regem Navarrae, quia Ludovici XII. Gall. Regis partes secutus erat, regno & omnibus fortunis mulctavi, & in Hispanum omne jus regnandi transtulit; Anton. Nebries lib. 1. de Bell. Navarre. C. 3.

Hinc fluxit quod Attabaliba Rex Peru dixit: (ut narrant Benzo & Lopez) insigniter fatuum esse oportere Papam, qui, quæ non haberet aliis liberaliter largiretur, vel certe injustum ac impudentem nebulonem, qui ejectis veris possessoribus, alienas terras peregrinis addiceret, in mutuas cædes mortale genus armaret.

## CAPVT QVARTVM.

### APHORISMVS. I.

Iesuitis aliisque Catholicis Sacerdotibus liberum, permissumque est, quando ab hæreticis Magistratibus examinantur, æquivocationum deceptionibus; itemque ementitis nominibus & vestibus, uti, & veritatem suppressere, quò commodius se passim insinuare & conatus suos promovere possint. Jesuita Edmundus Campianus in Epist. ad Generalem Societatis anno 83. Treveris excusa pag. 83 & 14. fatetur in Anglia sæpe se commutare nomina, & mentiri habitum. Item in Epist. de persecut. Angliæ

Angliæ pag. 126. 212. 314. mentita nomina pag. 130. mentita veste pag. 126. nomina non rectè proficiuntur.

In Actis Jesuitæ Henrici Garneti, ut & ejus sociorum Olsvaldi Teimond. Johan. Gerardi & Josephi Creswelli aliquot falsa nomina pag. 122. 34. & seqq. Item pag. 59. 72. 86. & seqq. Item pag. 97. 101. 107. 108. 133. Sic Jesuita Ratisbonensis Jacobus Keller, auctor Philippicæ contra Anonymum Prædicantem, falso nomine Jacobi Sylvani usus est; ut & ejus interpret ac socius Conradus Vetter falso nomine Jacob. Andrea legitimi fratris Jacobi Andreae.

Sic cum Garnetus Jesuita in Anglia nuper pernegasset, se conscium machinationis cum pulvere tormentario fuisse, ac pro felici ejus successu preces habuisse, mendacii deinde convictus respondit pag. 101. se quidem de prospero magnæ illius actionis eventu preces obtulisse: illud tamen eo animo sensuque fecisse, quod severiores quasdam leges tum subveritus fuisset.

Et pag. 107. interrogatus à Iudice, an Jesuitam Italum non convenisset, monitusque ut sine æquivocatione responderet: pertinaciter & animæ salutem testatus, respondit, se cum illo non fuisse; idque horrendis execrationibus repetiit. Postea vero quàm primum Italus contrarium falsus fuerat, erubuit Garnetus, & misericordiam imploravit, agnovitque quod deliquisset, *Nisi ipsum æquivocatio iuraretur.*

E

Marti.



Martinus Navarrus, (cujus doctrinam Gregorius XIII. inconcussam sanctamq; esse attestatur) totum tractatum de æquivocationibus in *e humane aures*. 22. q. 5. in gratiam illustrissimæ (ut ait) Societatis Jesuiticæ scripsit. Et post alia, pag. 352. num. 16. docet etiam, licet posse aliquem occultare quod sit Catholicus.

## APHORISMUS II.

Iisdem Jesuitis & aliis Pontificiis est licitum ad Catholicorum Magistratum interrogationes æquivocare, idq; quod non minus cum juramento, quam absq; illo, quando nempe interrogatus interrogantem non pro suo competenti Magistratu sive Iudice habet, aut si interrogatus opinetur, competentem Iudicem non habere, legitimam interrogandi, aut adversarium non habere, justam litigandi causam. Sic Martinus Navarrus Azpilcueta in d. *e. humane aures* 22. q. 5. pag. 348. post Angalum de Perusio, & Iohan. ab Auuma refert, & probat æquivocationem S. Francisci, qui interrogatus à lictoribus homicidam (Jesuita Sylvanus in Philippica sua pag. 5. pro homicida furem supponit) persequentibus: an illac, ubi S. Franciscus erat, talis homicida transisset: immisis manibus intra manicas, respondit; hac non transisse: subintelligendo tacite contra communem intelligentiam, non transisse per illas manicas. Et addit Azpil-

Azpilcueta, hanc Doctrinam de *æquivocationibus* fundari in illo insigni facto Magni illius Patriarchæ Francisci, cui similis est illa, quam habet glossa in C. Ne quis can. 22. q. 2. quam & receptam, Azpilcueta dicit, & uti justam responsionem laudat ibidem Navarrus ex Thoma; quod reus interrogatus de crimine à Iudice non procedente Iuridicè non teneatur fateri veritatem, sed possit uti æquivocatione, subintelligendo aliquid aliud quam verba sonant. Imò & qui responder Iudici, sive sine, vel sub juramento, potest uti Amphibologia, sive illa contingat ex diversa verbi significatione, sive ex diversa intentione interrogantis & respondentis & licet falsum sit, secundum mentem interrogantis.

Idem Navarr. pag. 351. Etiam Magistratu vel Iudici injustè interroganti vel adjuranti, non tenetur quis secundum suam intentionem respondere. Sic & testem instruit Navarrus ut dicat, se nihil scire, subintelligendo intra se, NIHIL, quod dicere teneatur. Ibidem etiam instruit litigantes qui jubentur jurare de calumnia, Veritate etc. Ut si non ordinatè vel justè à Iudice jubeantur, possint negare vel affirmare secundum propriam mentem curando, non de illa quam Iudex habet.

Ibid. Navarrus; sic quidem Monarcha cum primis maximus nunquam mentitus est, ut ut verbis vel factis responderit, subintelligendo semper aliud secundum suam intentionem. Quia enim



non agnoscebat superiorem, non tenebatur respondere.

Sic Toletus Iesuita & Cardinalis Instruct. Sacerd. lib. 4. c. 21. Si quis à superiore interrogatur iuratus, tunc si iuste interrogetur, tenetur respondere absq; equivocatione, & respondere non secundum Iudicis mentem, sed secundum propriam. Et si crimen omnino occultum est, de quo quis interrogatur, tum equivocatione uti poterit respondendo N E S C I O, intelligendo tamen intra se, ut dicam tibi, vel respondendo Non feci, vel quid simile, & sic interrogatum, an ex tali civitate veniat (de qua nempe communis fama est, quod peste infecta sit) posse tamen respondere Quod non: licet inde veniat, quia nempe tacitum intellectum hunc in sua mente habeat, quod civitas illa non sit infecta, aut quod ipse non sit infectus, licet civitas infecta sit, quia nempe non facit contra præcipuam intentionem custodum. Idem habet & Navarrus in d. c. hum. pag. 348. Similia docent Iesuitæ Gregor. de Valentia tom. 3. disp. 5. q. 13. de Reo punct. 1. & 2. Henricus Garnetus in Actis Garneti pag. 97. pag. 107.

### APHORISMUS III.

Catholicos quosvis etiam non teneri privatis Catholicis ad mentem respondere, sed equivocare, & interrogantes decipere posse. Martinus Navarrus, Azpil. ubi supra pag. 351. per hanc doctrinam equivocationis innumera mendacia & peccata

peccata evitari possunt, si semper respondeatur cum aliqua subintellectione; ut si interrogemur, quo vadimus, quantam pecuniam habemus, mutavimus, donavimus, quid scripsimus, quid nobis ille aut ille dixerit, & sexcenta alia. Omnibus illis absq; peccato respondere, non, posse, subintelligendo, aliqua. Ut si quis petenti pecuniam, librum, respondeat, Non habeo, licet habeat, subintelligendo tamen, ita non habeo, ut tenerer prestare, vel ut teneat tibi dicere, manifestare, vel ut dicam tibi: Iesuita Iacobus Sylvanus, alias Iacob Keller in Philippica contra Anonymum Prædicantem pag. 5. Equivocatione uti & audientem decipere licet, quando qui interrogat non est superior ut Iudex, anne ait, ego obligatus sum cuiq; roganti respondere ad mentem: quis me omnium debitorem fecit.

### APHORISMUS IV.

Hanc equivocationem utilem esse artem & bonam Prudentiam, ideoq; Martinum Navarrum Azpilcuetam in vita Navarri operibus ejus præmissa. (de quo Gregorius XIII. attestatur, ejus doctrinam inconcussam sanctamq; esse, de quo & Iesuita Horatius Tursellinus in vita Xaverii ait, fuisse hominem cum probitate, tum doctrina inclytum) sibi ipsi gratulatur & de se jactat, se maximo cum primis Principi usum illius apophthegmatis (Qui nescit dissimulare, nescit & regnare) commendasse & istam doctrinam Principi illi profuisse. Martin.  
E 3 Navarr.




Navarr. Azpil. in d. c. *humana*. pag. 352. se maximo  
cum primis Principi abhorrenti a dissimulationi-  
bus & ab illo apophthegmate: *Qui nescit dissimulare,*  
*nescit regnare*: non sine fructu respondisse, bonam &  
utilem hanc simulandi artem esse; & ante pag. 394.  
ex Thoma prudentiam & virtutem appellavit  
pag. 351. bonam prudentiam, & hac qui utuntur  
laudandos esse Gregor. Valent. Iesuita tom. 3 disp.  
s. q. 13. de Reo. pun. 2. prudentem defensionem  
vocat. Quando REUS juridicè non interroga-  
tur, mendacium dicere non potest; potest tamen  
per aliquos modos convenientes, ita se defendere,  
ut non respondeat ad ea, ad quæ non tenetur,  
sed CELESTVERITATE M: neq;  
hoc erit calumiosè se defen-  
dere, sed PRUDENTER.

pag. 1397.

FINIS.









Biblioteka Jagiellońska

51470013334

Mc 4152 (1)-(6)

*Hist. Polon.*  
*Miscell.*

78.



